

黃帝內經素問
(上)

唐王冰撰

商務印書館

庫本樣

唐
王冰撰

黃
帝
內
經
素
問
(上)

商
務
印
書
館

B1
1.8
24-2

樣 本 庫

唐 王冰撰

黃 帝 內 經 素 問 (下)

商 務 印 書 館

04163

04162

黃帝內經素問

(全二冊)

唐王冰撰

商務印書館出版

上海河南中路二一一號

(上海市書刊出版業營業許可證出字第〇二五號)

新華書店總經售

商務印書館印刷廠印刷

上海天通庵路一九〇號

(64041)

1931年4月第1版 1955年2月重印(上海第1次印)

印數1—3,000 定價¥13,500

出版說明

本書原據明顧從德翻宋刻本校訂排版。茲就四部叢刊影印本並參考步月樓及古今醫統正脈全書中黃帝內經素問本，校對重印。三書均係翻宋刻版，四部叢刊影印本，刻印在先，脫誤較少，步月樓及醫統本同是一種刻本，殘蝕誤改之處頗多，如「心」誤作「必」、「詳」誤作「該」、「泄」誤作「油」、「下」誤作「不」、「主」誤作「生」、「土」誤作「上」等。這次照四部叢刊影印本校勘改正。

商務印書館一九五四年十二月

重廣補注黃帝內經素問序

啓玄子王冰撰新校正云按唐人物志冰仕唐爲太僕令年八十餘以壽終

夫釋縛脫羶全真導氣拯黎元於仁壽濟羸劣以獲安者非三聖道則不能致之矣孔安國序尙書曰伏羲神農黃帝之書謂之三墳言大道也班固漢書藝文志曰黃帝內經十八卷素問卽其經之九卷也兼靈樞九卷迺其數焉新校正云詳王氏此說蓋本皇甫士安甲乙經之序彼云七略藝文志黃帝內經十八卷今有鍼經九卷素問九卷共十八卷卽內經也故王氏遵而用之又素問外九卷漢張仲景及西晉王叔和脈經只爲之九卷皇甫士安名爲鍼經亦專名九卷楊玄操云黃帝內經二帙帙各九卷按隋書經籍志謂之九靈王冰名爲靈樞雖復年移代革而授學猶存懼非其人而時有所隱故第七一卷師氏藏之今之奉行惟八卷爾然而其文簡其意博其理奧其趣深天地之象分陰陽之候列變化之由表死生之兆彰不謀而遐邇自同勿約而幽明斯契稽其言有徵驗之事不忒誠可謂至道之宗奉生之始矣假若天機迅發妙識玄通藏謀雖屬乎生知標格亦資於詁訓未嘗有行不由逕出不由戶者也然刻意研精探微索隱或識契真要則目牛無全故動則有成猶鬼神幽贊而命世奇傑時時間出焉則周有秦公新校正云按別本一作和緩漢有淳于公魏有張公華公皆得斯妙道者也咸日新其用大濟蒸人華葉遞榮聲實相副蓋教之著矣亦天之假也冰弱齡慕道夙好養生幸遇真經式爲龜鏡而世本紕繆篇

目重疊。前後不倫。文義懸隔。施行不易。披會亦難。歲月既淹。襲以成弊。或一篇重出。而別立二名。或兩論併吞。而都爲一目。或問答未已。別樹篇題。或脫簡不書。而云世闕。重合經而冠鍼服。併方宜而爲效篇。隔虛實而爲逆從。合經絡而爲論要。節皮部而爲經絡。退至教以先鍼。諸如此流。不可勝數。且將升岱嶽。非逕奚爲。欲詣扶桑。無舟莫適。乃精勤博訪。而并有其人。歷十二年。方臻理要。詢謀得失。深遂夙心。時於先生郭子齋堂。受得先師張公祕本。文字昭晰。義理環周。一以參詳。羣疑冰釋。恐散於末學。絕彼師資。因而撰註。用傳不朽。兼舊藏之卷。合八十一篇。二十四卷。勒成一部。新校正云。詳素問第七卷。亡已久矣。按皇甫士安。晉人也。序甲乙經云。亦有亡失。隋書經籍志載梁士錄。亦云止存八卷。全元起隋人所注本。乃無第七。王冰唐寶應中人。上至晉皇甫謐甘露中。已六百餘年。而冰自爲得舊藏之卷。今竊疑之。仍觀天元紀大論。五運行論。六微旨論。氣交變論。五常政論。六元正紀論。至真要論。七篇。居今素問四卷篇卷浩大。不與素問前後篇卷等。又且所載之事。與素問餘篇略不相通。竊疑此七篇。乃陰陽大論之文。王氏取以補所亡之卷。猶周官亡冬官以考功記補之之類也。又按漢張仲景傷寒論序云。撰用素問九卷八十一難經陰陽大論是素問與陰陽大論兩書甚明。乃王氏并陰陽大論於素問中也。要之陰陽大論亦古醫經。終非素問第七矣。冀乎究尾明首。尋註會經。開發童蒙。宣揚至理而已。其中簡脫文斷義不相接者。搜求經論所有。遷移以補其處。篇目墜缺。指事不明者。量其意趣。加字以昭其義。篇論吞并。義不相涉。闕漏名目者。區分事類。別目以冠篇首。君臣請問。禮儀乖失者。考校尊卑。增益以光其意。錯簡碎文。前後重疊者。

詳其指趣。削去繁雜。以存其要。辭理祕密。難粗論述者。別撰玄珠。以陳其道。新校正云。詳王氏玄珠。世無傳者。今有玄珠十卷。昭明隱旨三卷。蓋後人附託之文也。雖非王氏之書。亦於素問第十九卷至二十四卷。頗有發明。其隱旨三卷。與今世所謂天元玉冊者。正相表裏。而與王冰之義多不同。凡所加字。皆朱書其文。使今古必分。字不雜糅。庶厥昭彰聖旨。敷暢玄言。有如列宿高懸。奎張不亂。深泉淨澄。鱗介咸分。君臣無天枉之期。夷夏有延齡之望。俾工徒勿誤。學者惟明。至道流行。徽音累屬。千載之後。方知大聖之慈惠無窮。時大唐寶應元年歲次壬寅序。

將仕郎守殿中丞孫 兆 重改誤


朝奉郎守國子博士同校正醫書上騎都尉賜緋魚袋高保衡
朝奉郎守尚書屯田郎中同校正醫書騎都尉賜緋魚袋孫 奇
朝散大夫守光祿卿直祕閣判登聞檢院上護軍林 億

明 新安吳勉學重校梓

重廣補注黃帝內經素問表

臣聞安不忘危，存不忘亡者，往聖之先務。求民之瘼，恤民之隱者，上主之深仁。在昔黃帝之御極也，以理身緒餘治天下，坐於明堂之上，臨觀八極，考建五常，以謂人之生也，負陰而抱陽，食味而被色，外有寒暑之相疊，內有喜怒之交侵，天昏札瘥，國家代有，將欲斂時五福，以敷錫厥庶民，乃與歧伯上窮天紀，下極地理，遠取諸物，近取諸身，更相問難，垂法以福萬世。於是雷公之倫，授業傳之，而內經作矣。歷代寶之，未有失墜。蒼周之興，秦和述六氣之論，具明於左史。厥後越人得其一二，演而述難經，西漢倉公傳其舊學。東漢仲景撰其遺論，晉皇甫謐刺而爲甲乙，及隋楊上善纂而爲太素。時則有全元起者，始爲之訓解，闕第七一通。迄唐寶應中，太僕王冰篤好之，得先師所藏之卷，大爲次註，猶是三皇遺文，爛然可觀。惜乎唐令列之醫學，付之執技之流，而薦紳先生罕言之。去聖已遠，其術晦昧，是以文注紛錯，義理混淆，殊不知三墳之餘，帝王之高致，聖賢之能事，唐堯之授四時，虞舜之齊七政，神禹修六府，以興帝功，文王推六子以敘卦氣，伊尹調五味以致君，箕子陳五行以佐世，其致一也。奈何以至精至微之道，傳之以至下至淺之人，其不廢絕爲已幸矣。頃在嘉祐中，仁宗念聖祖之遺事，將墜于地，迺詔通知其學者，俾之是正。臣等承乏典校，伏念旬歲，遂乃搜訪中外，哀集衆本，寢尋其義，正其訛舛，十得其三四，餘不能具，竊謂未足以稱明詔副聖意，而又採漢唐書錄，古醫經之存於世者，得數十家，敘而考正焉，貫穿錯綜，磅礴會通，或端

本以尋支。或汭流而討源。定其可知。次以舊目。正繆誤者六千餘字。增注義者二千餘條。一言去取。必有稽考。舛文疑義。於是詳明。以之治身。可以消患於未兆。施於有政。可以廣生於無窮。恭惟皇帝撫大同之運。擁無疆之休。述先志以奉成。興微學而永正。則和氣可召。災害不生。陶一世之民。同躋于壽域矣。國子博士臣高保衡。光祿卿直祕閣臣林億等謹上。



B1
118
261

重廣補注黃帝內經素問目錄

上冊

卷一

- 上古天真論篇第一
- 四氣調神大論篇第二
- 生氣通天論篇第三
- 金匱真言論篇第四

卷二

- 陰陽應象大論篇第五
- 陰陽離合論篇第六
- 陰陽別論篇第七

卷三

重廣補注黃帝內經素問 目錄

卷四

- 靈蘭秘典論篇第八
- 六節藏象論篇第九
- 五藏生成篇第十
- 五藏別論篇第十一

卷五

- 異法方宜論篇第十二
- 移精變氣論篇第十三
- 湯液醪醴論篇第十四
- 玉版論要篇第十五
- 診要經終論篇第十六

一

~~04165~~ 04166

脈要精微論篇第十七
平人氣象論篇第十八

卷六

玉機真藏論篇第十九
三部九候論篇第二十

卷七

經脈別論篇第二十一
藏氣法時論篇第二十二
宣明五氣篇第二十三
血氣形志篇第二十四

卷八

寶命全形論篇第二十五
八正神明論篇第二十六

離合真邪論篇第二十七
通評虛實論篇第二十八
太陰陽明論篇第二十九
陽明脈解篇第三十

卷九

熱論篇第三十一
刺熱篇第三十二
評熱病論篇第三十三
逆調論篇第三十四

卷十

瘧論篇第三十五
刺瘧篇第三十六
氣厥論篇第三十七
欬論篇第三十八

卷十一

舉痛論篇第三十九
腹中論篇第四十
刺腰論痛篇第四十一

卷十二

風論篇第四十二
痹論篇第四十三
痿論篇第四十四
厥論篇第四十五

卷十三

病能論篇第四十六
奇病論篇第四十七
大奇論篇第四十八

重廣補注黃帝內經素問 目錄

下冊

脈解篇第四十九

卷十四

刺要論篇第五十
刺齊論篇第五十一
刺禁論篇第五十二
刺志論篇第五十三
鍼解篇第五十四
長刺節論篇第五十五

卷十五

皮部論篇第五十六
經絡論篇第五十七
氣穴論篇第五十八

氣府論篇第五十九

卷十六

骨空論篇第六十

水熱穴論篇第六十一

卷十七

調經論篇第六十二

卷十八

繆刺論篇第六十三

四時刺逆從論篇第六十四

標本病傳論篇第六十五

卷十九

天元紀大論篇第六十六

五運行大論篇第六十七
六微旨大論篇第六十八

卷二十

氣交變大論篇第六十九
五常致大論篇第七十

卷二十一

六元正紀大論篇第七十一
刺法論篇第七十二
本病論篇第七十三

卷二十二

至真要大論篇第七十四

卷二十三

著至教論篇第七十五
示從容論篇第七十六
疏五過論篇第七十七
徵四失論篇第七十八

卷二十四

陰陽類論篇第七十九
方盛衰論篇第八十
解精微論篇第八十一

重廣補注黃帝內經素問卷第一

新校正云按王氏不解所以名素問之義及素問之名起於何代按隋書經籍志始有素問之名甲乙經序晉皇甫謐之文已云素問論病精辨王叔和四晉人撰脈經云出素問經張仲景撰傷寒卒病論集云撰用素問是則素問之名著於隋志上見於漢代也自仲景已前無不可見其得而短也今世所存之書則素問之名起漢世也所以名素問之義全元起有說云素者本也問者責問也岐伯也方陳性情之源五行之本故曰素問元起雖有此解義未甚明按乾鑿度云夫有形者生於無形故有太易有太初有太始有太素太易者未見氣也太初者氣之始也太始者形之始也太素者質之始也氣形質具而病療由是萌生故黃帝問此太素質之始也素問之名義或由此

上古天真論

啓玄子次註林億孫奇高保衡等奉敕校正孫兆重改誤

生氣通天論

四氣調神大論

金匱真言論

上古天真論篇第一新校正云按全元起注本在第九卷王氏重次篇第移冠篇首今注逐篇必具全元起本之卷第者欲存素問舊第目見今之篇次皆王氏之所移也

昔在黃帝生而神靈弱而能言幼而徇齊長而敦敏成而登天有熊國君少典之子姓公孫徇疾也敦信



也。敏達也。習用干戈。以征不享。平定天下。殄滅蚩尤。以土德王。都軒轅之丘。故號之曰軒轅黃帝。後鑄鼎於鼎湖山。鼎成而白日升天。羣臣葬衣冠於橋山。墓今猶在。迺問於天師曰。余聞上古之人。春秋皆度百歲。而動作不衰。今時之人。年半百而動作皆衰者。時世異耶。人將失之耶。天師岐伯也。岐伯對曰。上古之人。其知道者。法於陰陽。和於術數。上古謂玄古也。也知道。謂知修養之道也。夫陰陽者。天地之常道。術數者。保生之大倫。故修養者。必謹先之。老子曰。萬物負陰而抱陽。沖氣以爲和。四氣調神大論曰。陰陽四時者。萬物之終始。死生之本。逆之則災害生。從之則苛疾不起。是謂得道。此之謂也。食飲有節。起居有常。不妄作勞。食飲者。充虛之滋味。起居者。動止之綱紀。故修養者。謹而行之。痺論曰。飲食自倍。腸胃乃傷。生氣通天論曰。起居如驚。神氣乃浮。是惡妄動也。廣成子曰。必靜必清。無勞汝形。無搖汝精。乃可以長生。故聖人先之也。新校正云。按全元起注本云。飲食有常節。起居有常度。不妄不作。太素同楊上善云。以理而取聲色芳味。不妄視聽也。循理而動。不爲分外之事。故能形與神俱。而盡終其天年。度百歲乃去。形與神俱。同臻壽分。謹於修養。以奉天真。故盡得終其天年。去。謂去離於形骸也。靈樞經曰。人百歲五藏皆虛。神氣皆去。形骸獨居而終矣。以其知道。故年長壽延年。度百歲。謂至一百二十歲也。尙書洪範曰。一曰壽。百二十歲也。今時之人。不然也。動之死地。離於道也。以酒爲漿。溺於飲也。以妄爲常。寡於信也。醉以入房。過於色也。以欲竭其精。以耗散其真。樂色曰欲。輕用曰耗。樂色不節。則精竭。輕用不止。則真散。是以聖人愛精重施。髓滿骨堅。老子曰。弱其志。強其骨。河上公曰。有欲者亡身。曲禮曰。欲不可縱。新校正云。按甲乙經。耗。